



Walk for a child

Om *Blitsposte* ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Elke dag loop ons. Somtyds loop ons ver en somtyds loop ons net om die draai. Sommige van ons loop vir ons gesondheid en ander loop omdat hulle nie 'n kar het nie. Somtyds loop iemand saam en somtyds loop ons alleen. In die Bybelse tyd het almal geloop. Christus het baie geloop om die evangelie te bring en sommige het saam geloop.

Op 24 September 2025 hou ons die *Sestig-sestig-loop-vir-'n-kind*. Ons wil 'n *sestig-sestig-loop* doen amper soos die bekende *sixty-60* wat jou kruideniersware kom aflewer. Ons wil niks aflewer nie, maar ons wil 'n verskil maak. Ons wil 60 km stap en R60 000 insamel vir die DPS-huise van Montana en Ninapark. Om dit te doen benodig ons ses spanne van ses lede elk wat op trapmeule (*treadmills*) by Gemeente Oos-Moot se Magaliesfees gaan stap.

Die verwaarloosing, molestering en grusame moord op kinders was die afgelope tyd weer gereeld in die hoofstroommedia. Dit voel byna asof ons daaglik in 'n wêreld stap wat besig is om alle waardes te verloor en waar mense weg stap van dit wat reg is.

As deel van Plesion se *Light for a Child*-sambreel wat uit *Drive for a Child*, *Ride for a Child* en *Run for a Child* bestaan, wil *Walk for a Child* ook 'n bydrae maak tot die versorging van kinders wat dikwels alleen moet stap.

In plaas daarvan om weg van die hartseer van kinders te stap, wil ons gemeentes en instansies nooi om saam te kom stap by *Walk for a Child*. So kan julle help om eerstens 'n bewustheid te kweek vir die seer van kinders, maar dan ook om 'n finansiële bydrae te maak in die voortdurende stryd om kinders te help wat verwaarloos is. Christus het in sy stap ook die kinders omhels en die seer van die wêreld aangespreek.

Indien jou gemeente of jou vriende op 24 September saam wil kom stap, is die inligting elders in dié uitgawe beskikbaar. Indien jy 'n finansiële bydrae wil maak, kan jy die inligting ook daar verkry. Vir belastingdoeleindes kan 'n 18A-sertifikaat uitgereik word.

Sixty-60 is baie gerieflik, maar die *sestig-sestig-stap* gaan oor die maak van 'n verskil in die lewe van diegene wat voel asof die lewe van hulle weggestap het en hulle alleen gelos het. Kom stap saam, al is dit net 'n kilometer of twee. Ons gaan in spanne deelneem en mekaar aflos.

Hierdie is ons geleentheid om nie net geskok te wees oor wat in die media gelees word nie, maar om 'n verskil te maak. Elke kilometer en elke rand beteken dat jy bereid is om saam te loop en saam 'n verskil te maak. Moenie net sit en kyk nie. Kom stap saam en help ons om 'n verskil te maak op 24 September by die Magaliesfees by Oos-Moot in Pretoria.

**Dr Martin Jansen van Rensburg
(Delmas)**



Lief en leed

- Gelukwense gaan aan oom **Bart Diedericks** wat op 5 Aug sy **98ste verjaarsdag** gevier het en die oudste lewende lidmaat van **Gemeente Delareyville** is. Sy vrou tannie Willa is 89 en hulle was op 7 Aug 71 jaar getroud. Hulle het drie kinders, 11 kleinkinders en 25 agterkleinkinders. Oom Bart is ongelukkig blind, maar sy verstand is nog helder, en hy bly 'n boer in murg en been. Die hoogtepunt van sy verjaarsdag was toe hy saam met sy kleinseun die trappe van die stroper uitgeklim het en 'n paar draaie gery het!



Ds Hannes van der Merwe

- **Ds Hannes van der Merwe** (Pretoria-Oos) is verkies as die **voorsitter vir VONKK** (Voortgesette Ontwikkeling van Nuwe Klassieke Kerkmusiek). Ds Hannes het ongeveer 200 tekste van liedere geskryf wat in Afrikaanse kerke se eredienste gebruik word. Hy neem oor by ds Jacques Louw van Pretoria-Noord Baptiste Kerk. Kyk gerus [hier](#) na ons plasing op Facebook vir meer inligting. Baie geluk ds Hannes!



Ds Gert van Staden

- **Mev Monica Beukes**, vrou van prof Bieks Beukes, het verlede week 'n operasie ondergaan om 'n groot niersteen te verwyder nadat sy vir bykans twee weke las daarvan gehad het. Sy is intussen ontslaan en sterk tuis aan. Die Kerk bid vir haar spoedige herstel.
- **Ds (GJ) Gert van Staden** is die afgelope Sondagoggend tuis oorlede. Hy was die afgelope drie maande in en uit die hospitaal met hoë infeksietellings. Sy eggenote tannie Lien sê dit was oom Gert se wens dat daar nie 'n amptelike gedenkdienste vir hom gehou sal word nie. Dit sal slegs 'n private lewensviering deur sy gesin se binnekring behels. Sy verassing sal privaat geskied. Oom Gert en tannie Lien was lidmate van Gemeente Witfontein. Die Kerk betuig haar simpatie met die familie.
- **Die volgende predikante verjaar tot 22 Augustus 2025, en word hartlik geluk gewens:**
 - Woensdag 13 Augustus: Ds JMJ (Jan) de Wet (emeritus)
 - Vrydag 15 Augustus: Ds Z (Zilcha) Mostert (Louis Trichardt)
 - Maandag 18 Augustus: Dr GMJ (Gafie) van Wyk (emeritus)
 - Dinsdag 19 Augustus: Dr CJ (Christo) Viljoen (emeritus), di HF (Hennie) la Grange (Kampersrus Hoedspruit) en JD (John) Putter (emeritus)
 - Woensdag 20 Augustus: Di Y (Yvette) Scholtz (Meyerton) en MM (Marike) van der Merwe (nie-diensdoende predikant)
 - Vrydag 22 Augustus: Ds WH (William) Harmse (Alberton-Wes)

Gemeentes en bediening

- **Ringe** word aangemoedig om vóór die AKV 'n spesiale geleentheid (desnoods by wyse van videokonferensie) vir **predikante en afgevaardigdes** te reël waar hulle die **agenda van die AKV** kan bespreek.
- **Sondag 17 Augustus: Bybelsondag**
Spesiale deurkollekte vir die Bybelgenootskap van Suid-Afrika: Volgens die besluit van die AKV, betaal gemeentes een Sondag per jaar se eredienskollekte aan die Bybelgenootskap oor. Die Kommissie van die AKV het aanbeveel dat dit vanjaar op DV **Sondag 17 Augustus** sal plaasvind. Stuur gerus 'n epos aan malan@biblesociety.co.za om navraag te doen in verband met bankbesonderhede en gemeentes se donaturnommers.
- Enige saak wat volgens die Kerkorde onder die aandag van die **Kommissie van die AKV** gebring moet word, moet mev Karen Breedts (karen@nhk.co.za) asseblief **teen 25 Augustus** bereik **vir 4 September** se vergadering. **Geen laat sake** sal in die agenda opgeneem word nie.



- **Gemeente Odendaalsrus** vier op **28 September 2025** hul 70-jaar herdenking onder die tema **70 jaar van genade** en nooi u hartlik uit om saam te kom deel in hierdie baie spesiale geleentheid. Die erediens begin om 10:30 by die kerkgebou in Boshoffstraat 30, Odendaalsrus, en word deur ds Cas du Plessis gelei, met nagmaal wat deur ds Anel Boshoff bedien word. 'n Skyfievertoning oor die gemeente se geskiedenis sal vertoon word, en daarna is daar 'n ligte ete en geleentheid om saam te kuier. Laat weet asseblief voor **14 September** hoeveel persone dit gaan bywoon.

Werksgeleentheid

NHK WAPADRANT / DIE KERK
 NHK Wapadrant, geleë in Grasfontein (Pretoria), het 'n pos vir 'n dinamiese en verantwoordelike Operasionele Beampte.

POS: OPERASIONELE BEAMPTE

KERNVERANTWOORDELIKHEDE SLUIT IN:

- Voorbereiding van eredienste en spesiale geleenthede
- Lidmaat- en finansiële administrasie, logistiek en sekretariële ondersteuning
- Instandhouding van fasiliteite en terrein

ONS IDEALE KANDIDAAT HET:

- Sterk administratiewe, organisatoriese en rekenaarvaardighede
- Tegnieke kennis van klank, video en digitale platforms
- Goeie menseverhoudinge en 'n diensbare ingesteldheid
- 'n Passie vir diens in 'n gemeentelike konteks



STUUR JOU CV EN MOTIVERINGSBRIEF AAN: diane@diekerk.com

SLUITINGSDATUM 15 AUGUSTUS

• VAKATURE: PERSOONLIKE ASSISTENT VIR DIE BEDRYFSHOOF

Sinodale Dienssentrum – Nederduitsch Hervormde Kerk van Afrika (NHKA)

Die NHKA nooi geskikte en dinamiese kandidate uit om aansoek te doen vir die pos van **Professionele Assistent vir die Bedryfshoof** by die **Sinodale Dienssentrum** in East Lynne, Pretoria.

Pligte en Verantwoordelikhede:

- Professionele administratiewe ondersteuning aan die Bedryfshoof.
- Hantering van korrespondensie, afsprake en vergaderings.
- Versameling, verwerking en verspreiding van inligting en dokumentasie.
- Koördinerende van interne en eksterne kommunikasie.
- Logistieke ondersteuning vir projekte en bestuursfunksies.
- Vertroulike hantering van inligting en sensitiewe sake.

Vereistes:

- 'n Geskikte kwalifikasie in administrasie, kantoorbestuur of 'n verwante veld.
- Ten minste drie jaar toepaslike werkservaring in 'n soortgelyke rol.
- Uitstekende rekenaarvaardighede (MS Office-pakket, e-pos, datahantering).
- Vaardigheid in Afrikaans en Engels (geskrewe en gesproke).
- Sterk organisatoriese en kommunikasievaardighede.
- Diskresie, lojaliteit en 'n professionele ingesteldheid.

Aanstellingsvlak en vergoeding:

- Markverwante salaris gebaseer op kwalifikasies en ervaring.
- Voltydse pos gebaseer by die Sinodale Dienssentrum in Pretoria.

Aansoekprosedure:

Stuur asseblief 'n volledige CV vergesel van 'n motiveringsbrief en ten minste twee kontakbare verwysings na: johan@nhk.co.za of mannekrag@nhk.co.za

Sluitingsdatum vir aansoeke: 31 Augustus 2025

Let wel: Slegs kandidate wat aan die vereistes voldoen, sal vir 'n onderhoud genader word. Die NHKA behou die reg voor om nie 'n aanstelling te maak nie.

SP Engelbrecht-museum

- **Kom span uit op oom Fanie se Werf!**

Op Saterdag **30 Augustus** van **08:00 tot 14:00** word die SP Engelbrecht-museum van die NHKA (h/v Mansfieldlaan en Eloffstraat, Eloffsdal) 'n egte plaaswerf vol kultuur, kuier en pret! Bak saam miershoopbrood. Geniet volkspele en 'n stoeivertoning. Luister na Albert Blake se praatjie oor Jopie Fourie. Daar is ou karre, ritte op 'n 1910-High Wheeler-kar, baie boerespeletjies, lekker kos én die kans om jou eie ossewaentjie te wen. Toegang is gratis. 'n Opsionele donasie aan die Museum en inkomstebehoefte gemeentes in die Moot is welkom. Volg ons op **Facebook** en deel die uitnodiging! Oom Fanie nooi jou uit: *Kom kuier!*

Vergaderings

- Vrydag 22 Augustus: Raad van Finansies

'n Gedig

Digterstuin

in die tuin van die digter
skyn die son soos 'n leeslamp
en blaai die wind deur die blare

die miere skryf lopende skrif
en die kritiese kwêvoëls kom
vang die hinderlike goggas

saam met al die erdwurms wroet
die digter in malse grond om
humus van emosies te maak

op Sondag swerm daar kenners
deur die tuin – hulle bloemlees
die blomme tot rare rangskikings

as die dood sy rondte doen
en hom kry by die komposhoop
sal die digter bly staan
en vergeet van Isfahan


want die dood sal hom inhaal
selfs al probeer hy klippetieklop
op Pegasos weggalop

Daniel Hugo

<https://www.litnet.co.za/digterstuin-die-digter-se-tuin/>

Kom kyk saam

- Mnr Peet Bloem, finalejaarstudent aan die Hervormde Teologiese Kollege, gesels oor die effek van trauma op ons liggame. Luister saam.
#teologiestudente #geloof #trauma



Kerklike en ander publikasies



R300

DIE UITGEBREIDE LITURGIESE KALENDER

'n Kategismus, asook historiese en teologiese toeligting

'n Boek wat elke predikant en belangstellende lidmaat moet hê om elke Sondag op 'n verantwoordelike wyse met die kerklike jaar, en so met die evangelie om te gaan!

Geskryf deur prof **Natie van Wyk**

Bestel van mev Sarie Roux by boekwinkel@nhk.co.za



R250

GESKIEDENIS VAN DIE HERVORMDE KERK 1824-2024

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za



BOEKWINKEL-PROMOSIE

Mag hierdie Gedenkalbum ons opnuut tot dankbaarheid stem - dankbaar teenoor die Here omdat Hy deur sy genade ons toelaat om deel van sy kerk te wees, deel te wees van 'n skare gelowiges wat deur die eeue heen kon sing: 'Loof die Here! Ek wil die Here loof, met alles wat in my is wil ek sy heilige Naam loof. Ek wil die Here loof en nie een van sy weldade vergeet nie....' (Ps. 103:1-2).

Prof Wim Dreyer
(Uittreksel uit die voorwoord)

WAS R300

NOU R100

Bestel van mev Sarie Roux by boekwinkel@nhk.co.za

Hoeveel van u lidmate is weermagveterane?

Watter hulp bied die gemeente tans aan weermagveterane om konneksie met hulself en hul gesinne te vorm?

Met hierdie selfskryf nalatenskapsjoernaal word die neerpen van jou lewensverhaal vergemaklik deur:

- Inspirasieprikkelaars wat leiding gee sonder om voorskrywend te wees
- Digkuns en kunswerke deur veterane
- Gasspreker met gemeente-ondersteuningsgeleenthede wat die projek verduidelik

Joernale beskikbaar: R450 elk (R50 per boek word aan die gemeente geskenk)
'Memoires van 'n Soldaat', 'Memoires van jou Moeder'

www.memoirebooks.co.za



Fondsinsamelings

- **Dis weer basaartyd!** Laat weet asseblief (taal@nhk.co.za) wanneer ons by julle heerlike pannekoek en basaarpoeding kan kom eet:
 - 30 Augustus: Rustenburg-Suid
Ottosdal
Ventersdorp
 - 6 September: Meyerton-Suid
 - 27 September: Strand
Klerksdorp-Wilkoppies
- **Gemeente Rooihuiskraal** nooi u hartlik uit na 'n kuieroggend **20 Augustus om 10:00** saam met **Johan en Riaan van Rensburg** ten bate van die **Christelike Seemansorganisasie** (CSO). Toegang is gratis en sop en brood sal bedien word. 'n Donasie aan die CSO sal waardeur word. **RSVP** asseblief deur u naam te **WhatsApp** na **079 528 0874**.
- Dis weer daai tyd van die jaar! **Gemeente Ventersdorp** hou basaar saam met ons jaarlikse 4x4-dag.
 - Iets vir almal om te eet van soet tot sout, topgehalte vleis tot staatmaker pannekoek.
 - Stalletjies om van te kies en te keur.Ons sien jou daar! **30 Augustus 2025** by Trimpark Ventersdorp. Uitstallers is welkom.
Kontak vir Wessel 082 961 0144 vir enige navrae.



4 x 4 DAG

30 AUGUSTUS 2025

Aangebied deur die Hervormde Kerk Ventersdorp
Trimpark Ventersdorp
Baan vir alle 4x4 voertuie
Uitstallers is welkom
Navrae : 082 961 0144

Wen 'n biltong mandjie!



R25
per lootjie

Lootjies by Kharla: 084 024 3207

Bankbesonderhede:
Standard bank
Kharla Guest
Lopende rekening
Nr: 10167368255

Wenner
word op
1 September 2025
op ons
Facebook-blad
aangekondig.



VAN DER HOFF

Ten bate van
Van Der Hoff Teologiese
Studentevereniging

- **Gemeente Montana-Oos** vier DV die naweek van 5-7 September 2025 haar **50ste bestaansjaar**. Oud-lidmate en belangstellendes word hartlik uitgenooi om die naweek saam met ons deur te bring. Die program vir die naweek is soos volg:
 - Vrydag 5 September: Vanaf 15:00: Spitbraai kuier vir die hele gesin/dans.
 - Saterdag 6 September: 08:00: Pretstap en basaar van 08:00-13:00. Heerlike eetgoed, uitstallers van verskeie produkte, geskenke en vermaak vir almal.

- Sondag 7 September: 09:00: Feesdiens en nagmaal met lede van Hoërskool Montana se koor. Verversings na die diens.

Vir meer inligting, kontak ds Frikkie van Wyk 083 625 6788 of die skriba Johan Emmenis 060 546 7438 of stuur 'n epos na gfvanywyk@nhk.co.za.

- **Gemeente Klerksdorp-Suid** hou 'n **Blesbokkompetisie** teen R50 per inskrywing.
 - Eerste prys: 20 kg wors & 20 kg maalvleis
 - Tweede prys: 10 kg Wors & 10 kg maalveis

Die gelukkige trekking vind op **7 September 2025** plaas.

WhatsApp vir Trudie (072 393 5187) vir enige navrae en aankoop van lootjies.

- Dit is weer tyd vir **Gemeente Kampersrus** Hoedspruit se **basaarloutjies**! Daar is **meer as R45 000 se pryse** wat gewen kan word teen **slegs R100 per kaartjie**! Die pryse wissel van 'n heerlike haarpamperlang ter waarde van R400 tot verblyf in Mosambiek vir 6 persone ter waarde van R16 000.

Daar is twee maniere om deel te neem:

- Koop direk by Susan la Grange.
- Jy kan ook via WhatsApp jou kaartjie by 072 636 8001 bestel. Jy sal 'n genommerde kaartjie elektronies ontvang. Betaal regstreeks in die bankrekening met jou lootjienommer as verwysing.

Bankbesoonderhede: Nederduitsch Hervormde Kerk, Standard Bank, Rekeningnommer 033358346, Takkode 052752.

Die trekking vind op **30 November** plaas!

Toerusting



- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die Hervormde Teologiese Kollege het 'n **inligtingsblad** geskep oor Nicea wat gemeentes kan help om op hul eie manier Nicea te herdenk. Klik **hier** vir die inligtingsblad. Dit is 'n dinamiese blad en word gereeld bygewerk met nuwe inligting. Hou die gereelde advertensie in *Blitspos* dop om op hoogte te bly.



Vier
Nicea
1 700 jaar later

HTK se tema vir VTT 2025 is **"Nicea 1700 – Ek getuig"**.

Gemeentes word hartlik uitgenooi om tussen **3 Augustus en 19 Oktober 2025** aktief deel te neem aan hierdie opwindende projek.

Wat is beskikbaar?
Baie inligting
Liturgiese riglyne en preeksetse
Toerustingsmateriaal

Besoek: <https://hervormdeteologie.co.za/>
Laat ons saam getuig van ons geloof – 1700 jaar ná Nicea!

Barmhartigheid

- **Vrywillige uitbetalings – Augustus 2025:** Baie dankie aan elke NHSV-tak en gemeente vir u getroue ondersteuning en bydraes deur die jare heen. U gee nie net finansiële nie – u gee hoop, hulp en liefde. Elke bydrae dra werklik daartoe by om 'n verskil te maak in die lewens van bejaardes, studente en behoeftiges regoor ons land.

Die uitbetalings wat in Augustus gedoen word, ondersteun vier belangrike fokusareas: Bejaardesorg by Ons Tuis en elders in die land, studieleninge aan Hervormde studente, barmhartigheidswerk in ons gemeenskappe, en ons tydskrif *Die Christelike Vrou*.

Ons vra dat elke NHSV-tak probeer om 'n derde van haar inkomste aan die Hoofbestuur oor te dra. Dit stel ons in staat om landswyd hulp te verleen waar daar tans soveel nood is. Die oorblywende twee derdes kan volgens die tak se eie oordeel aan plaaslike behoeftes en projekte bestee word.

Neem asseblief kennis dat oorbetalings aan plaaslike instansies, soos tehuise vir bejaardes, direk vanaf die tak of gemeente aan daardie instansies oorbetaal moet word.

Elektroniese betalings en bankdeposito's is welkom – klik [hier](#) vir die NHSV se betaalstaat. Stuur asseblief die ingevulde betaalstaat én bewys van betaling aan finansies@nhsv.org.za.

Met opregte dank vir elke oop hand en warm hart. Laat ons saam die lig wees in 2025.

- Kom stap saam met **Sestig-sestig-loop-vir-'n-kind**. Hierdie fondsinsameling vir die DPS-huise van van Montana en Ninapark vind op **24 September** by Gemeente Oos-Moot se Magaliesfees plaas. Die doel is om **60 km te stap en R60 000** in te samel. Spanne van ses kan inskryf of finansiële donasies kan gemaak word. U bydrae om by R 60 000 uit te kom, kan inbetaal word by:

Plesion NPC
Bank: Nedbank
Rekeningnommer: 1127321897
Verwysing: Walk for Child

Kontak info@plesion.org.za vir meer inligting.

- Die **OTMT** is in die proses om die **Van Rensburg-tehuis in Danville** te verkoop en al die inwoners moet na Ons Tuis Riviera verhuis. Hulle benodig 'n vervoermaatskappy om die inwoners se besittings en die tehuis se meublement/toerusting gedurende **Augustus** te trek. U word vriendelik versoek om **Hannelie Fourie** by hf@otmt.org te kontak indien u weet van iemand wat hiermee behulpsaam kan wees aangesien die OTMT nie oor die fondse beskik om vir die diens te betaal nie.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal**: Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.



- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrief

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrief geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Here

Dankie, dat u Woord soos dikwels tevore my bang hart tot ruste gebring het.

Dankie, vir die versekering dat daar baie plek in die huis van u Vader is en dat U ook vir my 'n woonplek daar voorberei.

Ek hoef nie bang te wees nie.

U wag reeds daar, en U is ook hiér by my, om my deur baie donker nagte en ook deur die dal van doodskaduwee te begelei. Baie dankie vir hierdie gerusstellende wete.

Help my om daglank sonder vrees in u teenwoordigheid te vertoef.

Amen.

(Uit: *Briewe aan God*. Lizette Murray. 2018)